



ՔԵՆՏՐԲԵՐԻԻ ԱՐՔԵՊԻՍԿՈՊՈՍ ԴՈԿՏՈՐ ԶԵՆՖՅՐԻ ՖԻՇԵՐԸ ԵՐՈՒՍԱԼԵՍԻ ՀԱՅՈՑ ՍՐԲՈՑ ՀԱՎՈՐՅԱԼՆՅ ՎԱՆՔՈՒՄ

Համայն Անգլիայի Եպիսկոպոսապետ և Միտրոպոլիտ դոկտ. Զեոֆֆորի Ֆիշերը, դեպի Ս. Երկիր կատարած իր ուխտագնացության առթիվ, 1960 թվականի նոյեմբերին, այցելել է նաև Երուսաղեմի Հայոց Սրբոց Հակոբյանց վանքը՝ նորին Սրբությունը հանդիսավորապես առաջնորդվել է Մայր Տաճար՝ Սրբազան Պատրիարքի և միաբանության կողմից, ապա Հայոց Պատրիարքարանում զրույց է ունեցել Ամենապատիվ Տ. Եղիշե Սրբազան Պատրիարքի հետ և ցանկություն է հայտնել, Ամենայն Հայոց Հայրապետի գիտությունը և ցանկությամբ, հարմար դատված ժամանակ, Հայ և Անգլիկան Եկեղեցիների միջև աստվածաբանական զրույցներ սկսել, ինչպես որոշվել էր 1956 թվականին, երբ Վեհափառ Հայրապետը, Լոնդոն այցելելիս, եղել էր Հյուրը Քենտրեբերիի Արքեպիսկոպոսի:

Ուրախությամբ հրատարակում ենք Անգլիկան Եկեղեցու Միջեկեղեցական հարաբերությանց խորհրդի 1961 թվականի հունվար 19 թվակիր նամակը ուղղված Վեհափառ Հայրապետին, որտեղ խոսվում է Քենտրեբերիի Արքեպիսկոպոսի՝ Երուսաղեմի Հայոց Պատրիարքարանին տված այցելության, արտասանած ճառի, ինչպես նաև Հայ և Անգլիկան Եկեղեցիների միջև աստվածաբանական զրույցներ սկսելու անգլիկանների ցանկության մասին:

«Ձերդ Սրբություն.

Քենտրեբերիի Արքեպիսկոպոսի հետ Երուսաղեմ կատարած մեր ուխտագնացությունից վերադարձին, նորին Սրբազնությունը խընդրեց Երուսաղեմում, Սրբոց Հակոբյանց Հայոց Պատրիարքարանում արտասանած իր պաշտոնական ճառի պատճենը ուղարկել Ձեզ:

Նորին Ամենապատվություն Եղիշե Պատրիարքի հետ ունեցած իր զրույցի ընթացքում, նորին Սրբազնությունը իր գոհունակությունը և ուրախությունը հայտնեց իմա-

նալով, որ շարունակվում են բարի հարաբերությունները Երուսաղեմի Հայոց Պատրիարքության և Ս. Էջմիածնի Կաթողիկոսության միջև: Նա նշեց նաև անգլիկանների ցանկությունը աստվածաբանական զրույցներ սկսելու Հայ Ուղղափառ Ս. Եկեղեցու հետ, երբոր հաճո է Ձերդ Սրբության: Այսպիսի հնարավորությունը քննարկվեց, ինչպես կհիշեք, Ձերդ Սրբության 1956 թվականին Լոնդոն կատարած այցելության ժամանակ:

Երուսաղեմից մեկնելուց հետո, երբ կարճատև մի այցելություն կատարեցինք Քենտրեբերիի հյուրը Հյուրը Հուլյն Օրթոդոքս Միտրոպոլիտի, Քենտրեբերիի Արքեպիսկոպոսը հանդիպում ունեցավ Սիսի Կաթողիկոսի հետ: Նորին Սրբազնությունը հույս հայտնեց, որ Սիսի և Էջմիածնի միջև գոյություն ունեցող այժմյան պառակտումը շուտով կդարմանվի: Քենտրեբերիի Արքեպիսկոպոսն ասաց, որ անգլիկանները ամենուրեք աղոթում են այդ պառակտման վերացման համար և հույս ունի, որ շուտով խաղաղություն և համերաշխություն կհաստատվի Հայ Եկեղեցու կյանքում: Արքեպիսկոպոսը պատմեց Կաթողիկոսին, թե ինքը ինչպիսի ուրախությամբ է ընդունել Ձերդ Սրբության այցելությունը Անգլիա 1956 թվականին: Նորին Սրբազնությունը ասաց, թե ինքը հուսով է, որ Աստուծո շնորհիվ, ժամանակի ընթացքում կարող կլինենք քրիստոնեական սիրով հանդիպումներ ունենալ՝ մեր երկու Եկեղեցիների միջև վարդապետական խնդիրներ քննարկելու համար, երբոր Ձերդ Սրբությունը հավանի:

Համայն Ձեր Եկեղեցու համար աղոթքներով և բարեմաղթություններով, մնամ Ձեզ հանդեպ անկեղծ և հարգալիքի Քրիստոս՝

ՋՈՆ Ռ. ՍԱՏԵՐԹՈՒԵՅՏ

Քարտուղար Անգլիկան Եկեղեցու
Միջեկեղեցական հարաբերությանց խորհրդի